

29.08.2024ж

Қатысқандар саны- 15

**Күн тәртібі:**

1. Балабақшаның ішкі еңбек тәртіп ережелері мен қызметкерлердің лауазымдық міндеттерін бекіту.
2. Балалардың өмірі мен денсаулығын қорғау бойынша нұсқау жүргізу
3. Балаларды тамақтандырудың ұйымдастырылуы
4. Қызметкерлердің штаттық бірлік кестесін бекіту

**1.Тыңдалды:** Балабақша меңгерушісі А.П.Шеріп қызметкерлерді Ішкі еңбек тәртіп ережелермен таныстырды.Бұл ережелер Қазақстан Республикасының заңнамаларының талаптарына сәйкес бағытталған. Жұмысқа қабылдау және босату кезінде екі тараптан жасалынатын жұмыстарды қызметкерлер білуі тиіс. Әрбір қызметкер өзінің құқықтарын, міндеттерін, санитария талаптарын және техника қауіпсіздік ережелерін білуі керек. Мектепке дейінгі мекеме қызметкерлерінің міндеттері: еңбек тәртібін сақтау, адал жұмыс істеу, белгіленген мерзімінде медициналық байқаудан өту, этикалық жүріс-тұрыс нормаларын сақтау, ата-аналармен, балалармен қарым-қатынаста зейінді және ықыласты болуы, құжаттаманы өз уақытында толтыруы керектігін түсіндірді. Егер ішкі еңбек тәртіп ережелерін бұзғанда берілетін ескерту, сөгіс, қатаң сөгіс және жұмыстан босату тәртіптік шаралар қолданылатынын айтты. Жұмыс уақыты бекітілген ішкі еңбек тәртіп ережелері жүргізілетінін ескертті.

Тәртіп әрбір қызметкердің тиімді жұмыс істеу үшін беріліп отырғанын сөз етіп, орындауымыз керек деп ойлайтынын айтты. Барлығы өз пікірлерін ортаға салып, бірауыздан мақұлдады.

Сонымен бірге балабақша меңгерушісі А.П.Шеріп қызметкерлердің лауазымдық міндеттерімен таныстырды. Әрбір қызметкерге лауазымдық міндеттері жазылған паракшалары таратылып беріліп, орындау керек екенін айтты.. Балабақша қызметкерлері өздеріне қойылған лауазымдық міндеттерімен танысып, толық орындайтындықтарын , әсіресе, балалардың өмірі үшін жауап беретіндіктерін терең сезінетіндіктерін айтты.

Меңгеруші балабақша мейірбикесі Г.Артыкова өз міндеттерін орындауда барлық қызметкерлермен тығыз байланыста болуы керектігін, тәрбиешілер мейірбикелермен бірлесе отырып, сауықтыру шараларын жүргізеді, баланың денсаулығын дамытатын ең негізгісі баланың өмірі мен денсаулығына жауап беретінін ескертті Сондықтан барлық қызметкерлер лауазымдық міндеттерін бұлжытпай орындауы тиіс екенін айтты.

Қызметкерлер лауазымдық міндеттерімен танысып,орындайтындықтарын білдірді, қолын қойды.

**2.Тыңдалды** Балабақша меңгерушісі А.П.Шеріп «Балалардың өмірі мен денсаулығын қорғау бойынша нұсқау» жүргізді. Ата-аналар бізге өмірлерінің ең қымбатты байлығы балаларын сеніп тапсырған соң біз олардың өміріне,денсаулығына жауаптымыз.Балаларды қадағалаусыз қалдырмау және қауіпсіздік ережелерін біліп сақтауымыз керектігін айта келе қызметкерлерге балалардың өмірі мен денсаулығын қорғау туралы нұсқаулықты тарапып, таныстырып өтті.

Балабақша қызметкерлері танысып, толық орындауға уәде берді.

**3.Тыңдалды** балаларды тамақтандырудың ұйымдастырылуы жөнінде балабақша меңгерушісі А.П.Шеріп баланың дұрыс тамақтанудың ұйымдастырылуы, оның денсаулығына зор ықпалын тигізетінін сол себепті толыққанды тамақтану рационын құру, құрамында пайдалы дәрумендер мен минералдарға бай әртүрлі тағамдарды қолдану т.с.мәселелерді түсіндірді.

Сондай ақ ақуыздар мен майлардың көп бөлігін балалар түс кезінде алады. Майлар мен ақуыздар өсіп келе жатқан ағзаның құрылыс материалы болып табылады. Ағзаға ақуыз жетпеген жағдайда бойдың өсуі мен дамуы баяулайды, иммунитет төмендейді, ақыл-ой жұмысы нашарлайды. Сондықтан да, ақуыз мектеп жасына дейінгі баланың тағамына енгізіліп отыруы қажет. Тағамның әр түрлі болғаны маңызды, сол ғана оның пайдасын арттыратынын айтып, мейірбике Г.Артыкова 10 күндік ас мәзірін құруды тапсырды.

**4.Тыңдалды** балабақша есепшісі қызметкерлердің штаттық бірлік кестесін бекіту үшін комиссия құрылып, бекітілген штат кестесімен таныстырды қызметкерлер комиссия құрамына толық сенетіндіктерін айтып, келісім берді.

#### Шешімі:

- 1.Балабақшаның ішкі еңбек тәртібі ережесі таныстырылсын, қатаң сақталсын. Қызметкерлердің лауазымдық міндеттері бекітілсін.
- 2.Балалардың өмірі мен денсаулығын қорғау нұсқаулығы таныстырылсын, нұсқаулық ережелері толыққанды орындалсын.
3. Балаларды тамақтандырудың ұйымдастырылуы үшін 10 күндік ас мәзірі құрылсын, дұрыс тамақтандыру ісі қадағалансын.
4. Қызметкерлердің штаттық бірлік кестесін бекітілсін.

**Төрайымы:**  **А.П.Шеріп**  
**Хатшы:**  **Т.Молдакулова**



## Өндірістік кеңестің №2 хаттамасы

23.12.2022ж

Қатысқандар:15

Күн тәртібі:

1. Өткен кеңестің шешімдерінің орындалуы жөнінде
2. Жылу мәселесі
3. Жаңа жыл мерекесінде қауіпсіздік ережесін сақтау
4. Қысқы маусымдағы қар, мұздан балаларды сақтау.

### 1.Тыңдалды:Өткен кеңестің шешімдерінің орындалуы жөнінде

Сөйледі: А.П.Шеріп балабақша меңгерушісі топтарда бала саны анықталып, топталды. Жас ерекшелігіне сай ұйымдастырылған оқу қызметінің кестесі бекітілген, оқу тәрбие ісі жүргізілуде. Стандарт талаптыраана сай жабдықталған. Әр топта қажетті ата-аналар, табиғат, еңбек, денсаулық, кітап, кезекші бұрыштары безендірілген, оқу ісіне қажетті көрнекіліктер, суреттер, альбомдар, үлестірмелі, дидактикалық материалдар жинақталған. Ашық ұйымдастырылған оқу іс-әрекеттері, тіл мерекесі, күз мерекесі аталып өткізілді. Әрбір қызметкер балалар өмірінің қауіпсіздігін ескере отырып, іс-шараларға ұйымдастыруда. Үнемі бала өміріне жауапты екенімізді естен шығармайық деді.

### 2.Тыңдалды:Жылу мәселесі

Сөйледі: Г.Артыкова – балабақша медбикесі -күннің суытуына байланысты жылу жұмыстары іске қосылды. Қазандықтар жақсы жұмыс істеп тұр. Жылу жүйесі үнемі қадағалануда. Бөлме жылулық температурасы +21<sup>0</sup>С да сақталуда. Терезелер мен еденнің ақаулары жөнделді. Жылу жүйесі бір қалыпты жұмыс істеуде. Балалардың қауіпсіздігі ескерілген

### 3.Тыңдалды: Жаңа жыл мерекесінде қауіпсіздік ережесін сақтау

Сөйледі: А.П.Шеріп жаңа жылдық мерекеге арналған «Жасыл шырша»мерекесін тойлауға әзірленудеміз. Безендіру мен өткізу жұмыстары жоспарлануда. Мереке қызықты өту үшін әрине әдемі түрлі түсті ойыншықтар, шырақтар, отшашулар мен музыкалық тосын сәттер ұйымдастыруда қауіпсіздік ережесін сақтап, абай болуларыңызды тапсырамын. Ата-аналармен түсіндіру жұмыстары жүргізілсін, ережені қатаң сақтаңыздар. Бір сәттілік отшашу, үлкен қайғы әкелмеуіне кім кепіл, оған жол бермей, алдын алу жұмыстары жүргізілсін деп сөзін аяқтады.

### 4.Тыңдалды: Қысқы маусымдағы қар, мұздан балаларды сақтау.

Сөйледі: А.П.Шеріп сонымен бірге қысқы ауа райы, ақ қар, көк мұздан сақтану жұмыстары жүргізілсін. Бақшаға кіру жолдары, баспалдақтың қар, мұзын ерте келіп тазалау қажет. Таңертең ата-аналар балаларымен бірге тайып жығылмау үшін, кілемшелер төселіп, сақтандыружұмыстарынжүргізуді тапсырамын. Шатырлардың мұздарын балалар көп жерлерін түсіріп, қағу керек. Басына түсіп жарақат алып қалмасын. Аула сыпырушы мен жұмысшы қызметкерлер жұмыстарын дұрыс атқаруды тапсырамын. Қадағалауды медбике Г.Артыкова мен шаруа меңгерушісі С.Беспаева бекітемін деді.

### Шешім:

1.Бөлмелер жылулығы +21С температурада сақталсын. Жауапты: медбике Г.Артыкова, шару меңгерушісі С. Беспаева.

1. «Жасыл шырша» мерекесінде қауіпсіздік ережесі сақталсын. Жауапты: Тәрбиешілер, Медбике Г.Артыкова
2. Аула қар, мұздан күнделікті тазалансын.. Жауапты: Шаруа меңгерушісі, медбике

Төрайымы:  А.П.Шеріп  
Хатшы:  Т.Молдакулова



## Өндірістік кеңестің №3 хаттамасы

12.03.2025ж

Қатысқандар:14

### Күн тәртібі:

1. Өткен кеңестің шешімдерінің орындалуы
2. Балаларды еңбекке баулу жұмыстарын жоспарлау
3. «Әже ертегі айтып берші» Халықтық педагогикаға тәрбиелеу. Ата-аналарға арналған жылжымалы папка шығару.

#### **1.Тыңдалды:**

Өткен кеңестің шешімдерінің орындалуы

Сөйледі: Балабақша меңгерушісі А.П.Шеріп өткен кеңестің шешімдерінің орындалуына тоқталып өтті. Педагог азаматтарымыз бір ұлттың келешегін тәрбиелеп отырғанын естен шығармауға тиісті. Сол білімнің алғашқы дәндері, сатысы балабақшада қалыптастатынын білеміз. Жақсы дағдыларды, мінез-құлық, таным, ақыл-ой өрісінің дамуы, әлеуметке енуі, үлкендермен қарым-қатынас, құрдастарымен араласып, ойын бөлісуі, ережеге, тәртіпке бағынуы, тазалыққа бейімделуі, қимыл іс-әрекетінің дамуы барлығы сіздердің қадағалауларыңызбен оқу-тәрбие үдерісі кезінде іске асырылады.

#### **2.Тыңдалды:**Балаларды еңбекке баулу жұмыстарын жоспарлау

Сөйледі: Балабақша меңгерушісі А.П.Шеріп оқу-тәрбие үдерісінің балалардың өмірін ұйымдастыру кезінде серуенде балалармен тыстағы еңбек жоспарланады. Балаларды балабақшаның тазалығына көңілін бөліп, үлкендер жұмысына мән беріп, сыйлауға үйретудеміз. Ауланы көгалдандыру қажеттігін, гүлдер егіліп күтіп-баптауға, дала құстарына ұя жасап, жем беру, қояндар, құстар, балықтар мен үй құстарына жем – шөп беріп күтіп баптауға, еңбек етуге үйретуіміз қажет.

Сонымен бірге топтағы заттарды орындарына қою, кітаптарды реттеу, кезекшілік ету, табиғат бұрышындағы гүлдерді күтіп баптауға, гүл етуге, жапырағының шаңын сүрту, түбін копсыту, су құю, сияқты жұмыстарды атқаруға үйретеміз. Балалар еңбек ете отырып өзіне-өзі қызмет етуді үйренеді, тазалық пен тәртіпке, ұқыптылыққа үйренеді. Әр бала өз жас ерекшелігіне сай өзіне-өзі қызмет етуге үйренгені жөн. Және ондайға үйретуде ата-ананың да қызметі зор, үйде де тапсырмалар орындап үйренуі қажет. Жүйелі, тиімді жоспарлап балаларды еңбекке баулиық, ұқыптылыққа тәрбиелейік деп сөзін аяқтады.

#### **3.Тыңдалды:**«Әже ертегі айтып берші» Халықтық педагогикаға тәрбиелеу. Ата-аналарға арналған жылжымалы папка шығару.

Сөйледі: Балабақша меңгерушісі А.П.Шеріп - елімізде әр түрлі ұлттар өмір сүреді, олардың салт-дәстүрлері, тілі, мәдениеті, әдет-ғұрпы да әр түрлі.

Әрібіздің өз тіліміз, дініміз, мәдениетіміз бен ауыз әдебиетіміз бар. Атадан- атаға мұра болып келе жатқан халық ауыз әдебиетінің тәрбиелік мәні зор. Аңыз,әңгіме, ертегі, хиссалар, жврлар арқылы балалардың бойында үлкенге құрмет, қамқорлық, әлсізге көмектесу, батылдық, сұлулыққа тәрбиелеу, өнеге тәрбиелеу, еңбекқорлыққа, мейірімділікке тәрбиелеуге әрекет етеміз. Ата-аналармен бірлесе отырып, балаларды ертегі, аңыз әңгімеге, жаңылтпаштар мен мақал-мәтелдер айтуға, тіл байлығын, ой-өрісін, сөздік қорын байытамыз. Топтардың жасаған жылжымалы папкалары ата-аналар бұрышына қойылып, ұсынылсын.

Шешім:

1. Өткен кеңес шешімдерінің орындалуы қадағалансын.
2. Балалардың өмірін ұйымдастыруда еңбек жүйелі жоспарланып, жүргізілсін.
3. Ата-аналарға арналған жылжымалы папкалар, ата-аналарға ұсынылсын.

Төрайымы:  
Хатшы:



А.П.Шеріп  
Т.Молдакулова

## Өндірістік кеңестің №4 хаттамасы

29.05.2025ж

Қатысқандар:15

### Күн тәртібі:

1. Өткен кеңестің шешімдерінің орындалуы
2. Жазғы сауықтыру балалардың денсаулығын нығайтуға арналған іс-шараларды бекіту
3. Іш ауруының алын алу. медициналық кеңестер
4. Жазғы жөндеу жұмыстары туралы

#### **1.Тыңдалды:** Өткен кеңестің шешімдерінің орындалуы

Сөйледі балабақша меңгерушісі А.П.Шеріп - әр топта халықтық педагогикаға арналған жылжымалы папкалар жасалып, ата-аналарға ұсыныс, кеңестер берілді. Балаларға арналған санамақтар, жаңылтпаштар, аңыз әңгімелер, ертегілер мазмұны берілген жылжымалы папкалардың көмегі тиді. Олар өздері білетін түрлерін де үйде естеріне түсіріп, балаларға айтып берген. Ата-аналар күнделікті күйбең тірлікпен айналысып, балалар тәрбиесіне уақыт таба бермейді. Педагогикалық білім мен психологиялық қолдау көрсету біздің міндетіміз. Сонымен бірге кейбір ата-аналар балалардың өзі атқаратын нәрселерін де өздері жасауға әрекеттенеді. Өзіне-өзі қызмет етуге, тапсырма беруді ұмытады, тиянақтамайды. Ал, кейбір балалар тапсырманы тез уақытта орындайды. Кезекшілік атқарады, топтағы ойыншықтарды жуып, реттейді, табиғат бұрышындағы жануарлар мен құстарға жем береді, қамқорлық етеді, Сонымен бірге еңбек сыртта да жоспарланып өткізіледі. Аула тазалығы, гүлдерді суғару, арам шөптерін жұлу, аула сыпырушыға көмектесу жұмыстары жүргізілуде.

#### **2.Тыңдалды:** Жазғы сауықтыру балалардың денсаулығын нығайтуға арналған іс-шараларды бекіту

Сөйледі: А.П.Шеріп балабақша меңгерушісі міне, жаз да келіп жетті. Жыл бойғы тапсырмалардан, сабақтан балаларды кішкене босатып, жазға арналған сауықтыру шаралары мен қызықты, көңілді іс-шаралар жоспарланды. Жоспарлармен таныстым. Ойындарға көбірек көңіл бөліңіздер. Ойын түрлері түрленіп, отырсын. Дидактикалық, сюжеттік-рөлдік, қимылды ойындар, сөздік ойындар, табиғи материалдармен, спорттық ойындар, эстафеталық жарыстар, ұлттық ойындар, сахналау, қуыршақ театры, серуендер түгел қамтылуын тапсырамын. Ұйымдастыру кезінде ең бірінші балалар мен денсаулықтарыңыздың қауіпсіздігін, қолайлы, ыңғайлы болуын ескеріңіздер. Сауықтырулар шараларына үнемі медбикенің қатысуымен өткізуді тапсырамын деді.

**3.Тыңдалды:** Медициналық кеңестер Сөйледі: Г.Артыкова балабақша медбикесі балабақша қызметкерлеріне арналған кеңестер берді. Балалардың режимдік процестерге көзқарастарының дұрыс қалыптасуы үшін айналада тұрақты жағдайды қамтамасыз етуі, әрбір баланың жас ерекшелігін ескере отырып, мәдени-гигиеналық және еңбек дағдыларын қалыптастыру, емдік, сауықтыру шараларына ата-аналардың үлес қосуына ықпал ету жөнінде айтып өтті.

#### **4.Тыңдалды:** Жазғы жөндеу жұмыстары.

Сөйледі: А.П.Шеріп балабақша ғимаратының ішкі және сыртқы жерлерінде қажет етілетін жерлерін сыбап, ақтап, сырлау қажеттігін, жөндеу жұмыстары кезінде қауіпсіздік ережесін сақтауды тапсырды.

Шешім:

1. Өткен кеңес шешімдерінің орындалуы қадағалансын.
2. Жазғы сауықтыру шаралары жоспар бойынша жүйелі жүргізілсін.
3. Іш ауруының алдын алу жұмыстары жүргізілсін.
4. Жазғы жөндеу жұмыстары жүргізілсін, қауіпсіздік ережесі сақталсын.

Төрайымы:

А.П.Шеріп

Хатшы:

Т.Молдакулова

